



## **INSCRICIÓN E BASES LUGO POLA IGUALDADE – CERTAME TIKTOK**

- Obxecto: o obxecto da convocatoria é o estímulo entre a cidadanía da reflexión e a capacidade creativa en materia de igualdade de xénero, de cara á celebración do 8 de marzo, Día Internacional da Muller. Para elo, concederanse dous premios a dúas obras audiovisuais realizadas a través da aplicación TikTok sobre a temática anteriormente sinalada. Estas serán elixidas por un xurado entre todas as propostas que cumpran os requisitos de inscrición e recibidas dentro do prazo marcado.
- Temática: todo o que concirna á loita pola igualdade de xénero (igualdade no deporte, en oportunidades laborais, en tarefas domésticas, denuncia de relacións tóxicas, oposición ao machismo, empoderamento, detección de micromachismos, loita contra a violencia de xénero...)
- Poderán participar todas aquelas persoas que residan, traballen, estuden ou naceran en Lugo.
- A data límite para presentar obras será o 10 de marzo de 2021.
- A duración máxima das obras será de 1 minuto.
- Cada autor/a poderá presentar tantas obras como desexe.
- O vídeo debe incluír os cancelos #Lugopolaigualdade e #rodandoporlaigualdad
- Xurado: un xurado composto por membros da sociedade de Lugo e personalidades do sector audiovisual será o encargado de determinar as obras gañadoras. Respectarase o principio de presenza equilibrada de mulleres e homes.
- Premios: o certame contará cun primeiro premio dotado con 200 euros e un segundo premio dotado con 100 euros. Ademais, a obra gañadora optará ao premio nacional “Rodando por la igualdad”, dotado con 500 euros, no que participarán todas as obras gañadoras dos diferentes certames locais.
- Fallo: os traballos gañadores daranse a coñecer o 16 de marzo de 2021.
- Fallo nacional: o traballo gañador do certame nacional darase a coñecer o 25 de marzo.
- A inscrición será totalmente gratuíta e online, e realizarase a través do seguinte formulario: <https://cutt.ly/bkTLeQB>

- Non serán admitidas obras con linguaxe xenófoba, machista, homófona, racista, violenta ou de incitación ao odio. A organización resérvase o dereito a excluír as obras que incorran en calquera dos puntos expostos anteriormente.

- O evento resérvase o dereito a exhibir os traballos participantes en proxeccións da localidade e a aloxalos electrónicamente de forma temporal ou indefinida nalgunha plataforma ou rede social ou de CortoEspaña; así como para utilizalos en materiais promocionais, pola promoción da igualdade ou de outra índole, do Concello ou de CortoEspaña; ou para a propia promoción do certame nacional “Rodando por la igualdad” ou das súas canles de comunicación.

- Cada participante faise responsable de que o contido das súas obras respecta os dereitos de propiedade vixentes, así como que cumpre as disposicións legais exportas no noso código civil e penal. O certame non se fai en ningún caso responsable do contido das obras do concurso.

- Participación e premio de persoas menores de idade: no caso de que unha persoa menor de idade reciba algún dos premios, deberá aportar para o cobro do mesmo un xustificante asinado do seu pai, nai ou titor/a legal indicando a súa conformidade con dita participación e cobro do premio.

- Participación de persoas menores de 13 anos: en caso de que a persoa participante sexa menor de 13 anos, o vídeo terá que ser subido a TikTok a través da conta doutra persoa, de 13 anos ou máis, que consinta o seu concurso (TikTok non permite aos menores de 13 anos ter conta propia). En caso de premio a persoa terá que presentar igualmente o xustificante mencionado no punto anterior.

- Participación en grupo: en caso de que a obra sexa un traballo conxunto de máis dunha persoa (realizado por un grupo, unha clase, etc....) deberá ser presentado por unha única persoa responsable, que a todos os efectos será quen realice a inscrición. Pódese indicar en comentarios deste formulario as especificacións correspondentes sobre quen son todas as persoas creadoras da obra.

- Aceptación das bases: a participación neste concurso a través do seu formulario de inscrición implica a aceptación de todos os apartados das presentes bases, así como a resolución, por parte da organización, de calquera cuestión non prevista nas mesmas.

- Calquera dúbida respecto a estas bases ou ás formas de participación no certame pode ser referida a [info@cortoespana.es](mailto:info@cortoespana.es).



Concello de Lugo

ÁREA DE COHESIÓN SOCIAL

Ref: Muller

Asunto: Bases certame Lugo en igualdade Tik Tok

- FORMA DE PARTICIPACIÓN -

Para optar aos premios É NECESARIO SEGUIR ESTES DOUS PASOS:

1. Subir o teu vídeo a TikTok cos cancelos #Lugopolaigualdade e #rodandoporlaigualdad. É IMPRESCINDIBLE que a túa conta sexa PÚBLICA (se é privada non podemos ver o teu vídeo).

2. Encher o seguinte formulario de inscrición: <https://cutt.ly/bkTLeQB>



MURALLA  
patrimonio da humanidade